

筠谷诗 明 李辕

钦定四库全书

集部六

草阁集 附筠谷诗

别集类五

明

提要

臣等谨案草阁集六卷拾遗一卷明李昱撰昱字宗表号草阁钱塘人南雍志作临安人盖钱塘左宋临安地偶署前代地名非明之临安也洪武中官国子监助教昱元季避地永康东阳间馆于胡氏故集中与胡伯宏兄弟赠答之什最多此集乃昱没后伯宏及其友徐孟玘陈公明所辑拾遗一卷则其门人唐光祖所辑拾遗之后又附杂文四篇题曰文集不知何人所续辑或亦出光祖之手欤昱诗才力雄贍古体长篇大抵清刚隽上矫矫不羣近体亦卓犖无凡语虽为高杨张徐诸人盛名所掩实则并鹜中原未定孰居先后也未附筠谷诗一帙不著名氏案宋濂作昱诗序称其子辕字公载为诗能继其家千顷堂书目亦载有李辕筠谷集注为李昱之子为宜纶县丞殆编录者以卷帙无多附其父后观诗内有冬至前日侍文燕胡伯奇济生堂七言一首是辕作之明证矣朱彝尊曝书亭集有昱草阁集跋而不言未附筠谷诗或所见之本偶佚此卷也

乾隆四十三年六月恭校上

总纂官 （臣）纪昀 （臣）陆锡熊 （臣）孙士毅

总校官 （臣）陆费墀

●钦定四库全书

筠谷诗集

永康胡元祚义士哀诗

人于天地间百岁聊寓形生当秉节义死用垂芳声余子知爱身丈夫在成名胡君花溪秀家世乃簪缨少小失其怙操持如老成胸藏白雪净气敌苍山横年强不肯仕力学还躬耕忠义素所敦信重千钧轻我虽不识公得与贤嗣并为言丁酉岁世事多搀抢括苍地险阻山势高峥嵘青天魑魅啸白昼豺狼行流恶邑里间所至烽烟生永康属边徼相去无远程跳踉恣威虐百里皆震惊我翁奋高义下令募乡兵手提龙泉剑寒光射云旌浙东宪府官遣使来相迎问君计安出要使巢穴倾君言计已遂奉命寻前征麾兵与之战桓桓谁敢争遂令括苍地流血尸纵横余孽未尽除其势复喧轰我兵势已孤力竭终难平壮志不少衰竟陨占田营吾昆抱哀痛奉檄归佳城鲤溪山水佳泉香草丰荣溪水共鸣咽山禽亦悲鸣义声驰四方孰不伤中情祭酒措哀辞翰林铭墓莹我诗何足征焉敢溷时英感君涕泗言聊用摅哀诚下以敦俗化上以规公卿要令千载后臣子怀忠贞寿胡伯弘母六十

翠鬟佳人捧寿筵歌声为缓听诗篇桃花初实三千岁甲子新周六十年座上共尊陶母
德机边能教孟轲贤诸郎总是青云器拟锡金花下九天

赠韩进之先生

北斗文章絕世无先生秉笔继前驱幽懷爱菊临轩种老眼看山信杖扶
圣主岂容华髮隱野翁甘与白云俱夜来遥望双溪上明月梅花有几株
访胡伯弘仲源叔敬季祥

冬来卧病厌岑寂忽忆君家鸿雁行出门晴日照巾屨曳杖野路无冰霜相逢一笑且同
乐人生百年能几狂休嗔剪烛夜酣坐别后与谁拈酒觞

之官三元县寄懷胡伯弘昆仲

四望魁山路五千东轩松菊想依然尚懷伯仲开春瓮还与吾翁展寿筵白土溪梅纔旧
腊黄金岸柳又新年江南地比秦川暖为写春懷寄客边

寄贺家严诞日

春色新从柳上归云开南极夜增辉遥瞻蕙帐千年鹤难近椿庭五色衣报主敢辞心力
尽问安翻觉信音违三年述职天恩大定放儿还庆古稀

次胡叔敬见过诗韵

綠树柴门白屋开青鞋竹杖故人来百年高谊如君少半日清谈别我回沽酒家贫难取
醉赠诗吟拙愧无才遥知伯仲东轩下待子同斟寿母杯

扫墓有感寄东谷唐仲暹先生

去年寒食關西过今岁清明淞左归泛梗怕逢时改火扫松哀极泪沾衣山花恨里红成
阵暮草愁边翠作围自怪春光相触忤诗懷难与故人稀

至日感懷三絕

天上祥云傍日飞纷纷五色似斑衣老莱无处为儿戏陟岵哀吟泪独挥
山妻绣下旧鸳鸯今日愁随万线长一去九泉空相像梅花不作返魂香
阳气初回尚闭關松儿何处觅羊环去年拜节嫌衣短今日无由见汝颜

题永康贰令周复初草牕诗十韵

濂溪夫子是我师霁月光风想见之杰出贤孙懷祖训官居民宰际明时雉驯虎服名堪
敌鱼跃鸢飞道已推公退小牕吟处稳闲观芳草静中宜萌芽不遣牛羊牧朝夕须凭雨
露滋太极成图还此意阳春生物本无私清光照眼何曾息佳趣關心只自知官舍寒烟
青冉冉乡园晴日翠离离萱情万里思莱服诗梦三更忆谢池回首江山家第遠且存斯
道继前为

胡君济源家藏钱舜举所畫俾予题之按山水形胜人物草木凡图中所具者莫不曲尽
微妙大率吴中佳处沉吟细玩若湖山之在目遂成长律十八韵以写懷乡之意云

曾游百粤徧三吴家住钱唐古帝都东对海门南禹穴左连江堑右西湖潮生白马声偏
壮山卷苍龙势不孤渺渺舟航通絕岛重重楼阁拥云衢仙坛梵塔争高下野店山桥隔

有无遠水粘天银浩漫羣山拔地翠模糊白沙细细眠鵝鵝綠树阴阴叫鷓鴣目断松萝
仍竹桂人行杨柳又菰蒲云埋剑气忠臣庙春黯梅魂处士墟内苑烟花成寂寞薜堤莺
燕自欢娱牙樯锦缆开红棹翠管银筝送玉壶歌女漫调金缕曲舞姬轻拂绣罗襦繁华
此地为吾里漂泊频年在旅途人事世情虽反侧水光山色岂荣枯中宵欹枕牵归梦今
日凭轩按此图品藻自惭才力浅登临谁说故乡迂畫工堪比连城璧诗拙难同照乘珠
珍重聽泉楼上士相看此外更何须

挽徐德裕

丈人遗世已登仙令子懷離不共天岂但男儿能事毕益令吾党孝心专魂随故国秋云
返影伴长江夜月悬此日交游歌薤露临风挥泪独凄然

挽池仁卿

皓首厖眉九十春乡中耆旧已无人玉杯献寿谁同甲丹旄伤心岁在辰商谷此时难觅
绮汉廷何处更迎申家声喜有贤孙继聽我哀思泪满巾

雨晴二首

松日照人春雨收杖藜徐步桥东头桃花夹岸似霞染云气出山如水流身高仰羨不下
鹤眼明忽见双飞鸥紆朱拖紫乃余事得及吾侬心迹幽

东畴西畴流水声南山北山日色明溪童钓鱼懒复坐田父教牛初学耕新綠全经宿露
湿落红乱点春风轻吟边野兴有如此安用悠悠身外名

端阳陈公明见招

佳节知君念友生蹇驴风雨自相迎黍包金角行盘重蒲泛银丝出瓮清烂醉无愁忘是
客沉吟有兴即關情百年如此流光易头黑何时共立名

期徐孟玘不至

四月山庭过雨天日长无事只高眠梦随池草生孤枕风送南薰动五弦流景岂容头似
漆闲愁须付酒如泉连朝颇怪徐高士相约来寻竟杳然

秋夜杂兴四首

山月明秋镜林松响夜弦遶墙偏瑟瑟当户只娟娟鸾鹤身难见蟾蜍影自悬不知吟坐
久清兴益萧然

槎客何时到天河彻夜明风连箕毕动云傍斗牛生山鬼行犹泣江鸿过有声愁边聽不
寐祗益异乡情

摇落深秋景飘零遠客居芙蓉依水媚杨柳对门疎为士须行学非农岂荷鉏无人上封
禅却忆马相如

圣代无为治蛮方译献通布衣空白屋朱绂满金宫城郭旌旗静乾坤壁壘空时清耻无
用独独叹秋风

雨中

入春风雨闭书斋青草穿泥欲上阶柳放长条遮醉眼梅留残蕊伴吟懷舞干苗格闻虞

舜炼石天成忆女媧未有涓埃能报主登临容我着青鞵

题叶叔亨南溪畊隐

隱居求志随所乐不在渔樵即畊凿畊凿能忘帝力深渔樵不计生意薄古人隐名还隐身纷华盛丽如浮尘尊居万乘不可屈子陵当年畊富春今人名隐身不隐与世驱驰日矛盾遂令余子皆沾名莘野畴能继伊尹华溪忽见耕隐翁豁我磊落之吟胷韬光屏迹能谢俗但与渔父心相同日长耕罢田头坐正值香花吹雨过遠村綠树班鳩鸣近岸青莎黄犊卧大耕小耨工不亏冰青烧土呼羣儿儿来不惰翁乃喜坐见禾黍秋离离耕隐翁非徒稼穡由来种田兼种德种田必期仓廩丰种德须当子孙获伟哉公之上世叶水心文章道德光于今耳孙奕叶继前美屣脱富贵归山林我今趣装趋上国回首田园有愧色安得同耕陇畝间驷马高车复何益

徐节妇诗

座客且勿喧听我贞节诗永康有徐氏乡党谁似之上世中山人作令留于兹子孙能振耀家世承相规伟哉仲芳氏玉树珊瑚枝自幼失其怙卓立超羣儿母氏淑且贤春年絕朱丝虽无柏舟作志与共姜追鸾镜不复对罗襦不复施芳容若难悴每恨白日迟挑灯坐寒夜顾影空嗟咨有时形梦寐长吁涕涟洏诸孤不识父笑母心如痴诸孤既成人负笈令从师戒儿继汝父无使他人嗤孀居五十年哀慕同一时子欲报母德构堂花溪湄溪水流有尽母德茫无涯堂阴树援草花开春露滋堂前种修竹琅玕碧参差母坐堂中央彩斑衣随载拜献母寿綠酒黄金卮母言母力强子忧母力衰子令诸妇侍母怪人扶持一朝忽寢疾薄景驰崦嵫有孙名伯维文采何葳蕤母也亦如姑言之两淒其二十失所天终身抱余悲年将六十岁閩范人所仪泰山或可动我志终难移我家贞德堂建此将奚为后人视前烈贞德焉可亏我愿登斯堂永与姑相期煌煌綉衣使玉节临东陲徐家两节妇表奏闻丹墀竚见旌其门御墨光淋漓遂令翰墨士纷然美文辞忠孝与节义乃为人秉彝呜呼唐虞遠歷代风陵夷众羽惜鳳凰羣鳞羨蛟螭风诗三百篇开卷陈闢雎贤哉徐节妇令闻千年垂清风播寰宇岂独乡邦知

冬至前日侍父燕胡伯奇济生堂

今年客里逢长至客子题诗兴亦长天上五云开瑞色人间六管候新阳梅花欲发春前树竹叶频倾醉后觞记取斯文合簪处环溪溪上济生堂

题朱氏时敬庵

独松佳地不虚传朱氏廬■〈广外苏内〉近水边一涧东流莹玉练四山高起挿金莲阴遮结构修篁绕影落罍罍古树圆诸子登堂趋蚁折双亲卜宅喜牛眠秋霜气冷侵衣履春露花浓挹豆筴鬱鬯降神方俨若煮蒿感目倍淒然慈颜不隔黄泉下愉色常存白髮前着敬不忘时十二会同还习礼三千能将此道承先泽拟播余风及后贤况是君家敦古义濡毫何惜赋诗篇

秋兴

牢落东南老树邨萧萧木叶拥柴门秋声万里西风急云气三更北斗昏
鲍叔交情贫里见张巡节义死中论欲攀蟾桂非无路犹信仙桃别有源

忆昔自京至關中将四千里所歷古迹不能殫记因闲居无事追赋律诗九十首目之曰
忆晋以泄曩日之思云

四月南风驿路长汴梁河底树苍苍牙樯锦缆伤前代（下阙）

（前阙）金谷焉知御史才翠杓青尊捐楚馆绣衣骢马上霜台须知鸾鳳冲霄汉不异
忠良位鼎台

离离禾黍接頽垣惊见咸阳古道存秦殿独怜三月火汉陵谁吊九原魂陇山北起秋云
合泾水西来夜雨浑如此兴懷非一事不如投笔且开樽

筠谷诗集